

Izveštaj o radu Uprave policije MUP-a Kantona Sarajevo za period januar – mart 2018. godine

1. KRIMINALITET

Kriminalitet na području Kantona Sarajevo u periodu januar – mart 2018. godine u odnosu na isti period prethodne godine, posmatrano kroz osnovne statističke pokazatelje, karakteriše povećanje broja registrovanih krivičnih djela za 7,7%, prijavljenih lica za 31,4%, povratnika u činjenju krivičnih djela za 10,6%, maloljetnih izvršilaca za 61,5% i lica lišenih slobode za 32,9%. Ovo povećanje osnovnih statističkih pokazatelja jeste rezultat proaktivnog djelovanja Uprave policije, odnosno pojačanih i planski provedenih aktivnosti policije, naročito u oblastima protiv zdravlja ljudi, odnosno djela vezanih za zloupotrebe opojnih droga kao i krivičnih djela organizovanog kriminala u vezi sa privrednim kriminalitetom, što je direktno rezultiralo povećanjem broja prijavljenih krivičnih djela, procesuiranih i lica lišenih slobode.

STATISTIČKI PRIKAZ KRIMINALITETA

U periodu januar – mart 2018. godine, registrovano je 1.139 krivičnih djela, što je za 81-no djelo ili 7,7% više nego u periodu januar – mart 2017. godine.

U 532 slučaja (46,7% od ukupnog broja krivičnih djela), krivična djela su izvršena od strane poznatih izvršilaca i izvršilaca zatečenih u činjenju krivičnog djela, a 607 krivičnih djela (ili 53,3%), prijavljeno je po nepoznatom izvršiocu, od kojih su 224 naknadno rasvijetljena (ili 36,9% od ukupnog broja prijavljenih djela po nepoznatom izvršiocu).

Tokom izvještajnog perioda ukupno je rasvijetljeno 756 krivičnih djela ili 66,4% što je za 10,9% manje u odnosu na uporedni period.

Za izvršenje navedenih djela prijavljeno je 749 lica, od kojih je 386 povratnika u činjenju krivičnih djela (ili 51,5% prijavljenih), 21 maloljetnik (ili 2,8%), a 315 lica je lišeno slobode (ili 42,1%). U odnosu na uporedni period povećan je broj prijavljenih lica za 179 (ili 31,4%), povratnika za 37 (ili 10,6%), maloljetnika za osam (ili 61,5%) i lica lišenih slobode za 78 (ili 32,9%).

OSNOVNI STATISTIČKI PO KAZATELJI KRIMINALITETA U PERIODU JANUAR - MART 2018. GODINE

PERIOD	Broj krivičnih djela			Broj djela za koja su naknadno identifikovani osumnjičeni izvršioци		Broj prijavljenih lica			Lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
JANUAR - MART 2018. GODINE	1.139	532	607	224	121	749	21	386	315
JANUAR - MART 2017. GODINE	1.058	408	650	410	242	570	13	349	237
<i>uporedba</i>	81	124	-43	-186	-121	179	8	37	78
	7,7%	30,4%	-6,6%	-45,4%	-50,0%	31,4%	61,5%	10,6%	32,9%

**UPOREDNI POKAZATELJI STANJA KRIMINALITETA NA PODRUČJU KANTONA SARAJEVO
U PERIODU JANUAR – MART 2018/17. GODINE PREMA GLAVAMA KRIVIČNOG ZAKONA FBiH-a i KZ BiH-a**

KRIVIČNA DJELA	januar- mart 2018.	januar- mart 2017.	uporedba		„rasvijetljenost“ januar-mart 2018.	
			+/-	%	broj ras.kd	% rasvijtlj.
Protiv života i tijela	34	36	-2	-5,6%	33	97,1%
Protiv slobode i prava čovjeka i građanina	50	48	2	4,2%	49	98%
Protiv spolne slobode i morala	3	0	3	---	3	100%
Protiv braka, porodice i mladeži	62	53	9	17%	62	100%
Protiv zdravlja ljudi	166	98	68	69,4%	166	100%
Protiv privrede, posl. i sigur. platnog prome	1	2	-1	-50%	1	100%
Iz oblasti poreza	0	1	-1	----	0	---
Protiv imovine	711	694	17	2,4%	336	47,3%
Protiv okoliša, poljop. i prirodnih dobara	3	3	0	isto	3	100%
Protiv opće sigurnosti ljudi i imovine	14	22	-8	-36,4%	8	57,1%
Protiv sigurnosti javnog prometa	29	32	-3	-9,4%	27	93,1%
Protiv pravosuđa	13	7	6	85,7%	14	107,7% ¹
Protiv javnog reda i pravnog prometa	35	43	-8	-18,6%	36	102,9% ²
Protiv podmičivanja i krivična djela protiv službene i druge odgovorne dužnosti	5	2	3	150%	5	100%
Privrede i jedinstva tržišta te krivična djela iz oblasti carina (KZBiH)	1	1	0	isto	1	100%
ZONDINOIM-a (Sl.novine Kantona Sarajevo br.38/07)	12	16	-4	-25%	12	100%
UKUPNO	1.139	1.058	81	7,7%	756	66,4%

U prvom tromjesečju 2018. godine za 641 službeni izvještaj, od strane Kantonalnog tužilaštva, donesena je naredba o obustavi i neprovođenju istrage (276 ili 75,6% više u odnosu na uporedni period).

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

U periodu januar – mart 2018. godine prijavljena su 34 krivična djela protiv života i tijela (dva manje u odnosu na januar - mart 2017.godine).

Zbog postojanja osnova sumnje da su počinili djela iz ove oblasti podneseni su službeni izvještaji protiv 32 lica (10 manje), od čega je osam povratnika u činjenju krivičnih djela ili 27,6%, a deset je lišeno slobode (pet manje).

Evidentirana su slijedeća krivična djela: ubistvo u pokušaju – jedno djelo (jedno manje), teška tjelesna ozljeda – 12 (sedam manje), lahka tjelesna ozljeda – 20 (sedam više) i teška tjelesna ozljeda u saučiniteljstvu - jedno djelo. Ukupno su rasvijetljena 33 ova djela ili 97,1% i za sada je nerasvijetljeno jedno djelo lakih tjelesnih ozljeda.

KRIVIČNA DJELA PROTIV SLOBODE I PRAVA ČOVJEKA I GRAĐANINA

^{2, 3} Pored rasvijetljavanja svih prijavljenih djela iz ovih oblasti u izvještajnom periodu, rasvijetljena su i djela iz ranijeg perioda (lažno prijavljivanje i nasilničko ponašanje).

Iz ove oblasti evidentirano je 50 djela (dva više) i to: - ugrožavanje sigurnosti – 47, protupravno lišenje slobode, otmica i narušavanje nepovredivosti doma - po jedno djelo, a zbog izvršenja

navedenih djela prijavljeno je 47 lica od kojih je 27 povratnika u činjenju krivičnih djela (ili 57,4%), a deset je lišeno slobode.

Sva djela ugrožavanja sigurnosti počinjena su upućivanjem verbalnih prijetnji, pisanih - prijetećih poruka i sl. bez težih posljedica po oštećene.

UPOREDNI POKAZATELJI BROJA REGISTROVANIH KRIVIČNIH DJELA UGROŽAVANJE SIGURNOSTI IZ ČLANA 183. KZ FBIH-a PO MJESECIMA U PERIODU JANUAR – MART 2018/17. GODINE

UGROŽAVANJE SIGURNOSTI (ČLAN 183. KZ FBIH-a)	JANUAR	FEBRUAR	MART	JANUAR – MART 2018/17. GODINE
JANUAR – MART 2018. GODINA	16	15	16	47
JANUAR – MART 2017. GODINA	20	14	13	47
<i>UPOREDBA</i>	<i>-4</i>	<i>1</i>	<i>3</i>	<i>isto</i>

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovana su 62 krivična djela (devet više) i to: nasilje u porodici - 59 djela, zapuštanje ili zlostavljanje djeteta ili maloljetnika, napuštanje djeteta i izbjegavanje izdržavnja - po jedno djelo. Službeni izvještaji podneseni su protiv 61-nog lica od kojih su 33 povratnika ili 54,1%, a 42 su lišena slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 165 lica (70 više), zbog postojanja osnova sumnje da su počinili 166 krivičnih djela (68 ili 69,4% više) i to:

- neovlašćena proizvodnja i stavljanje u promet opojnih droga – deset djela (dva više)
- posjedovanje i omogućavanje uživanja opojnih droga – 156 djela (66 više).

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv ukupno deset lica zbog postojanja osnova sumnje da su u proteklom periodu neovlašćeno proizvodili, zatim kupovali opojnu („Amfetamin“, "Marihuanu" , „Heroin“, itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo **iz člana 238. KZ FBiH-a (Neovlašćena proizvodnja i stavljanje u promet opojnih droga)**, te protiv 155 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Heroin”, “Ecstasy”,itd.) čime bi počinili krivično djelo **iz člana 239. KZ FBiH-a (Posjedovanje i omogućavanje uživanja opojnih droga)**. Zbog zloupotrebe opojnih droga 98 lica je lišeno slobode (43 više).

PREGLED O DUZEIE O POJNE DROGE

VRSTA OPOJNE DROGE	JANUAR - MART 2018. GODINE	JANUAR - MART 2017. GODINE
Marihuana (u gramima)	4.169	5.735,33
Marihuana (paketići)	41	57
Marihuana (JOINT - cigarete)	13	3
Heroin (paketići)	10	14
Amfetamin (u gramima)	217	168
Amfetamin (paketići)	36	44
Cannabis (sjeme)	100	1
Cannabis (biljke)	1	1
Ecstasy (tablete)	41,5	96
Kokain (u gramima)	---	15
Kokain (paketići)	1	2
LSD markice(kom.)	---	1
pribor sa ostacima droge (kom.)	19	8

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ registrovano je jedno krivično djelo (jedno manje) - obmana pri dobijanju kredita ili drugih pogodnosti za čije je izvršenje je prijavljeno jedno lice.

Takođe, od strane službenika Odjeljena za privredni kriminal tokom prva tri mjeseca 2018. godine, zadokumentovana su i krivična djela koja su u vezi sa „privrednim kriminalom“, a svrstana su u druge Glave KZFBiH-a i KZ BiH-a i to:

organizirani kriminal - osam djela, pronevjera u službi - dva, zloupotreba položaja ili ovlašćenja, nesavjestan rad u službi, sprječavanje dokazivanja, pomoć učinitelju poslije učinjenog krivičnog djela, krivotvorenje isprave, ovjeravanje neistinitog sadržaja, primanje dara ili drugih oblika koristi i krivotvorenje novca - po jedno djelo, a koja su prijavljena u prvom tromjesečju 2018. godine i čijim je činjenjem nastupila materijalna šteta u **ukupnom iznosu od 30.010.039,40 KM** (što je za 14.127.825,99 KM više u odnosu na uporedni period).

KRIVIČNA DJELA PROTIV IMOVINE

U oblasti krivičnih djela protiv imovine registrovano je 711 krivičnih djela što je za 17 ili 2,4% više u odnosu na uporedni period.

Najbrojnija djela iz ove oblasti su: teške krađe – 368 djela (dva više), krađe – 123 (23 više), razbojništva – 117 (13 manje), oštećenje tuđe stvari – 38 (sedam više), prijevara – 23 (12 više), teška krađa u pokušaju – 16 (osam više), utaja - osam (tri manje), prikrivanje – četiri (devet manje), itd. Ukupno je 336 djela iz ove oblasti rasvijetljeno ili 47,3%.

Objekti napada pri vršenju krivičnih djela protiv imovine najčešće su bili stambeni objekti – 160 puta (deset više), motorna vozila (otuđenja pmv i “provale” u ista) - 126 puta (14 više), poslovni prostori i prodavnice – 47 (četiri manje), itd., pri čemu je otuđivan novac, nakit, motorna vozila, tehnička roba, cigarete, prehrambeni proizvodi, građevinski materijal, itd.

U prva tri mjeseca ove godine na području Kantona Sarajevo izvršeno je 86 krivičnih djela teških krađa motornih vozila, od čega je 17 ili 19,8% vraćeno (Uprava policije MUP-a KS vratila je sedam vozila, MUP RS-a – četiri, drugih MUP-ova - tri i vlasnici su sami pronašli - tri vozila).

U odnosu na uporedni period broj otuđenih vozila smanjen je za četiri ili 4,4%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv tri lica.

Na području Kantona Sarajevo u prvom tromjesečju 2018. godine registrovano je 117 djela razbojništva (13 manje). Razbojništva su počinjena u prodavnicama - 55 puta (sedam manje), u sportskim kladionicama - 28 (11 više), na ulici - 23 puta (četiri manje), u apotekama - 10 (sedam manje) i na benzinskoj pumpi - jedno (jedno manje).

Navedena djela izvršena su prijetnjom upotrebe vatrenog oružja - 52 puta (sedam manje), prijetnjom i upotrebom noža ili drugog oštrog predmeta (komad stakla, šrafčiger i sl.) - 45 (dva više) i upotrebom fizičke snage - 20 puta (osam manje). Otudivan je novac, nakit, mobiteli, prijenosni računari, foto-aparati, itd.

Ukupno je rasvijetljeno 61-no ovo djelo ili 52,1% što je za 1,4% veća rasvijetljenost u odnosu na isti period 2017. godine.

Broj teških krađa na naročito opasan ili naročito drzak način u periodu januar-mart 2018. godine u odnosu na uporedni period povećan je za 10 ili 52,6%. Naime, evidentirano je 29 ovih djela u kojima su izvršioc, upotrebom fizičke snage - 18 puta, te verbalnom prijetnjom u 11 slučaj, otimali mobitele, nakit i novac.

Za izvršenje ovih oblika teških krađa, prijavljeno je pet lica, povratnika u činjenju krivičnih djela koja su lišena slobode. Ukupno je rasvijetljeno šest ovih djela ili 20,7%.

1.2.8. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 14 djela (osam manje) i to: izazivanje opće opasnosti - 11 djela, nesavjesno čuvanje pasa i drugih opasnih životinja - dva i nesavjesno čuvanje pasa i drugih opasnih životinja u pomaganju - jedno djelo.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 12 lica, od čega je deset povratnika, a osam je lišeno slobode.

Krivična djela izazivanja opće opasnosti (11 djela) izvršena su na otvorenom prostoru - devet puta i u stambenim objektima - dva puta, pri čemu je u jednom slučaju aktivirana nepoznata eksplozivna naprava, četiri puta pucano iz vatrenog oružja, pet puta je otvorenim plamenom izazvan požar i u jednom slučaju je namjernim udaranjem motornim vozilom povrijeđeno lice. Posljedica izvršenja navedenih djela su tjelesne ozljede pet lica i nastala materijalna šteta.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 35 krivičnih djela (osam manje) i to: nasilničko ponašanje - 21 djelo (jedno manje), napad na službenu osobu u vršenju poslova sigurnosti - pet (jedno manje), nedozvoljeno držanje oružja ili eksplozivnih materija - četiri (jedno manje), krivotvorenje isprave - četiri (jedno manje) i ovjeravanje neistinitog sadržaja - jedno djelo (dva manje).

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 47 lica, od kojih je 30 povratnika ili 63,89%, a 18 je lišeno slobode.

1.3. KRIVIČNA DJELA POČINJENA OD STRANE MALOLJETNIH IZVRŠILACA

U periodu januar - mart 2018. godine **prijavljen je 21 maloljetnik za izvršenje 28 krivičnih djela.** U poređenju sa istim periodom 2017. godine, povećan je broj krivičnih djela za čije izvršenje su prijavljena maloljetna lica (za 14 ili 50%), kao i broj prijavljenih maloljetnih učinilaca (za osam ili 61,5%).

Pregled broja maloljetnih izvršilaca krivičnih djela za period januar-mart 2018. godine, prema starosnoj strukturi

Starosna dob maloljetnika	od 14 do 16 god.	od 16 do 18 god.	ukupno
Broj maloljetnih izvršilaca	9	12	21

Među maloljetnim izvršiocima krivičnih djela, najveći broj je u dobi od 16 do 18 godina, dok su tri povratnika u izvršenju krivičnih djela.

Najbrojnija krivična djela za čije izvršenje su prijavljeni maloljetnici su teška krađa (14 ili 50% od ukupnog broja), zatim znatno manje lahka tjelesna povreda, razbojništvo i nasilničko ponašanje – po tri djela, teška tjelesna povreda – dva, silovanje, posjedovanje i omogućavanje uživanja opojnih droga i utaja – po jedno djelo.

Pregled registrovanih krivičnih djela izvršenih od strane maloljetnih lica u periodu januar-mart 2018/2017. godine

Naziv krivičnog djela	januar-mart 2018.	januar-mart 2017.	+ - %
<i>Teška tjelesna povreda</i>	2		2
<i>Lahka tjelesna povreda</i>	3	1	2
<i>Ugrožavanje sigurnosti</i>		1	-1
<i>Silovanje</i>	1		1
<i>Posjedovanje i omogućavanje uživanja opojnih droga</i>	1		1
<i>Teška krađa</i>	14	1	13
<i>Teška krađa-pokušaj</i>		1	-1
<i>“Drska “ krađa</i>		1	-1
<i>Razbojništvo</i>	3	7	-4 ili 57,1%
<i>Utaja</i>	1		1
<i>Razbojništvo-pokušaj</i>		1	-1
<i>Nasilničko ponašanje</i>	3	1	2
<i>ukupno</i>	28	14	14 ili 50%

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu januar-mart 2018. godine na području Kantona Sarajevo evidentirana su dva slučaja aktiviranja minsko-eksplozivnih sredstava (u uporednom periodu tri), usljed čega je nastupila materijalna šteta na fasadi kuće. Preduzimaju se aktivnosti na rasvjetljavanju ovih slučajeva i pronalaženju učinioca/laca.

U proteklom tromjesečju registrovano je 26 anonimnih dojava o postavljenim eksplozivnim napravama (dvije u uporednom periodu). Za sada su u devet slučajeva identifikovani izvršiocima (sedam maloljetnih i dva punoljetna izvršiocima) i protiv njih su preduzete zakonske mjere. U toku su aktivnosti na pronalaženju ostalih izvršilaca.

U cilju preventivnog djelovanja na sprječavanju pojave lažnih dojava o postavljenim eksplozivnim napravama sačinjen je Plan aktivnosti edukacije učenika i nastavnog osoblja u srednjim školama na području Kantona Sarajevo, na osnovu kojeg je započeta edukacija učenika, nastavnog osoblja i roditelja u srednjim školama na području Kantona Sarajevo. Cilj edukacije je preventivno djelovanje i dodatna edukacija učenika, te podizanja nivoa svijesti o štetnosti ovakve vrste protivpravnog ponašanja, kao i svim posljedicama koje ova krivična djela mogu imati. Policijski službenici tokom realizacije planirane teme apeluju i upozoravaju na suzdržavanje od svih vrsta protivpravnog ponašanja, pa tako i lažnih dojava o postavljenim eksplozivnim sredstvima.

Tokom mjeseca marta 2018. godine na području Kantona Sarajevo održano je 40 predavanja na navedenu temu.

POŽARI

U periodu januar-mart 2018. godine, na području Kantona Sarajevo registrovana su 32 požara (devet manje), u kojima su dva lica lakše povrijeđena.

Požari su registrovani na području općina: Novi Grad - osam, Centar – sedam, Novo Sarajevo – šest, Ilidža – šest, Stari Grad – četiri i Hadžići – jedan požar.

Prema statističkim pokazateljima, 12 požara je izazvano zbog tehničkih nedostataka, 11 namjerno, četiri su prouzrokovana nehatom, dok uzrok pet požara spada u kategoriju ostalih.

Zbog izazivanja požara nadležnom tužilaštvu je podneseno devet službenih izvještaja: pet iz člana 323 KZ FBiH (izazivanje opće opasnosti) i četiri iz člana 301 KZ FBiH (paljevina).

SAMOUBISTVA

U prva tri mjeseca 2018. godine na području Kantona Sarajevo registrovano je sedam samoubistava (sedam manje), koja su izvršena upotrebom vatrenog oružja – tri puta, vješanjem i skakanjem sa visine – po dva puta.

Samoubistva su izvršena na području općina: Novi Grad – dva, Stari Grad, Centar, Novo Sarajevo, Ilidža i Vogošća — po jedno samoubistvo. Prema spolu, izvršioци su šest muškaraca i jedna žena. Starosna dob muškaraca je od 60 do 70 godina - četiri lica, od 25 do 30 i od 70 do 80 godina – po jedno lice, a starosna dob žene je između 50 i 60 godina.

JAVNI RED I MIR

U periodu januar-mart 2018. godine zbog raznih oblika narušavanja javnog reda i mira izrečeno je 778 **prekršajnih sankcija** (naloga - 570, zahtjeva - 208), što u odnosu na isto tromjesečje 2017. godine predstavlja smanjenje za 105 ili 11,9%. Prekršajne sankcije preduzete su **protiv 836 lica** (120 ili 12,5% manje).

Na prekršaje utvrđene Zakonom o prekršajima protiv javnog reda i mira odnosi se 695, dok se 83 naloga i zahtjeva odnosi na prekršaje koji su regulisani Odlukom općinskih vijeća.

Od ukupnog broja prekršajnih sankcija, 89 ili 11,4% odnosi na lica koja su i ranije činila prekršaje (povratnici).

Najveći broj učinilaca prekršaja je u starosnoj dobi **preko 36 godina - 515**, zatim između 26 i 35 godina - **183** i između 19 i 25 godina - **131**, dok je maloljetnih lica bilo **sedam**. Maloljetnici su u najvećem broju slučajeva sankcionisani zbog učestvovanja u tučama (pet), a lica starosne dobi preko 36 godina najbrojniji su u prekršajima učinjenim prosjaćenjem (243).

Prilikom narušavanja javnog reda i mira u periodu januar-mart 2018. godine, u slučajevima kada se radilo o prekršajima, nije bilo **teže povrijeđenih lica** (u istom periodu 2017. godine jedno teže povrijeđeno lice), dok je **lakše povrijeđeno** 25 lica (34 ili 57,6% manje).

U odnosu na prvo tromjesečje 2017. godine, smanjenje broja prekršajnih sankcija imale su policijske stanice: Stari Grad – za 49,8%, Novo Sarajevo – za 63,8%, Hadžići – 27,6% i Jedinica za saobraćaj – za 66,7%, dok su ostale policijske stanice imale povećanje tog broja: Centar – za 58%, Novi Grad – za 31,5%, Ilidža – za 11,1%, Vogošća – za 12,5% i Ilijaš – za 27,3%, dok je Policijska stanica Trnovo uručila jedan prekršajni nalog (isto kao i u 2017. godini), a Policijska stanica Dobrinja je imala 21 prekršajnu sankciju.

Od ukupno 778 prekršaja protiv javnog reda i mira, najbrojnija su **prosjaćenja - 317** (ili 40,7%); tuče - **97** (ili 12,5%); naročito drsko ponašanje - **84** (ili 10,8%); odbijanje naređenja i omalovažavanje policijskih službenika - **68** (ili 8,7%); svađa, vika i nepristojno ponašanje - **14**, paljenje petardi i uživanje opojne droge na javnom mjestu – po **8**, te ostali prekršaji iz Zakona o prekršajima protiv javnog reda i mira - **99**. Na prekršaje utvrđene Odlukom općinskih vijeća odnosi se **83 naloga i zahtjeva**.

Struktura prekršaja iz oblasti javnog reda i mira za period januar- mart 2018/2017. godine

STRUKTURA PREKRŠAJA	JANUAR-MART 2018.	JANUAR-MART 2017.	+ - %
-Tuča	97	98	-1 ili 1%
-Naročito drsko ponašanje	84	94	-10 ili 10,6%
-Odbijanje naređenja i omalovažavanjem pol.sl.	68	64	4 ili 6,25%
-Prosjačenje	317	372	-55 ili 14,8%
-Svađa, vika, nepristojno ponašanje	14	34	-20 ili 58,8%
-Paljenje petardi	8	0	+8
-Uživanje opojne droge na javnom mjestu	8	2	6 ili 300%
-Ostali prekršaji iz Zakona o pr.protiv JRiM	99	108	-9 ili 8,3%
Prekršaji prema odluci OV o JRiM	83	111	-28 ili 25,2%
Ukupno	778	883	-105 ili 11,9%

U odnosu na isti period 2017. godine, u proteklom tromjesečju **smanjen** je broj prekršajnih sankcija nastalih tučom, naročito drskim ponašanjem, prosjačenjem, svađom, vikom, nepristojnim ponašanjem, a smanjen je i broj prekršaja koji su regulisani Odlukom općinskih vijeća o javnom redu i miru i ostali prekršaji, dok je došlo do **povećanja** broja prekršaja zbog narušavanja javnog reda i mira odbijanjem naređenja i omalovažavanjem policijskih službenika, paljenjem petardi i uživanjem opojne droge na javnom mjestu.

Prema mjestu izvršenja, a na osnovu broja uručenih naloga i podnesenih zahtjeva, najveći broj prekršaja učinjen je **na ulici** i na drugim otvorenim prostorima - **662** (ili 85,1%), a znatno manje na ostalim mjestima:

- ugostiteljski objekti - 40 prekršaja;
- trgovinske i zanatske radnje -21;
- škole i školska dvorišta – 5
- vozila javnog saobraćaja – 2 i
- ostala mjesta - 48.

U proteklom tromjesečju ove godine, u odnosu na isti period 2017. godine, **povećan** je broj prekršaja izvršenih u vozilima javnog saobraćaja, trgovinskim i zanatskim radnjama i na ostalim mjestima, dok je **smanjen** broj prekršaja na ulici i drugim otvorenim prostorima, u ugostiteljskim objektima i školama i školskim dvorištima.

Na području Kantona Sarajevo u periodu januar-mart 2018. godine održano je 555 javnih skupova (75 ili 15,6% više u odnosu na isti period 2017. godine). Policijski službenici su proveli planske aktivnosti na obezbjeđenju javnih skupova, koji su protekli bezbjedno, a u 137 slučajeva izvršeno je KDZ osiguranje.

3. SAOBRAĆAJ

U periodu januar-mart 2018. godine, u odnosu na isti period prošle godine, na području Kantona Sarajevo registrovano je povećanje ukupnog broja saobraćajnih nezgoda, nezgoda sa nastradalim licima i broja povrijeđenih lica, dok je smanjen broj nezgoda sa materijalnom štetom.

Registrovano je 2.290 saobraćajnih nezgoda (13 ili 0,6 % više), 2.107 sa materijalnom štetom (15 ili 0,7 manje) i 183 sa nastradalim licima (28 ili 18,1 % više).

U naselju je registrovano 2.060 saobraćajnih nezgoda (tri sa poginulim, 159 sa povrijeđenim licima i 1.898 sa materijalnom štetom), van naselja 230 nezgoda (21 sa povrijeđenim licima i 209 sa materijalnom štetom).

Registrovane su 422 saobraćajne nezgode na raskrsnicama u naselju, 50 na raskrsnicama van naselja, 17 na pješačkom prelazu, tri na mostu, jedna na nadvožnjaku i 1.797 saobraćajnih nezgoda čije se karakteristike puta ubrajaju u kategoriju ostalih.

U saobraćajnim nezgodama na području Kantona Sarajevo 233 lica su nastradala (27 ili 13,1 % više). Četiri lica su poginula (isto kao u uporednom periodu), dok je 229 lica povrijeđeno (27 ili 13,4 % više), 30 teže i 199 lakše.

Među poginulim licima, evidentirana su dva vozača (jedan više) i dva pješaka (isto) .

Od ukupno 229 povrijeđenih lica, 102 su vozača (25 više), 75 putnika (devet više) i 52 pješaka (sedam manje). Kada je u pitanju stepen povreda, šest vozača je teže, a 96 lakše povrijeđeno, devet putnika je teže, a 66 lakše povrijeđeno, dok je 15 pješaka teže i 37 lakše povrijeđeno.

Uporedni pokazatelji saobraćajnih nezgoda i posljedica na području Kantona Sarajevo
januar-mart 2018./2017. godina

	2018	2017	+ ,-, %
UKUPNO SAOBRAĆAJNIH NEZGODA	2.290	2.277	+ 13 ili 0,6 %
Saobraćajne nezgode sa nastradalim licima	183	155	+ 28 ili 18,1 %
Saobraćajne nezgode sa materijalnom štetom	2.107	2.122	- 15 ili 0,7 %
POGINULO LICA	4	4	isto
- vozači	2	1	+ 1 ili 100 %
-putnici	0	1	- 1
- pješaci	2	2	isto
POVRIJEĐENO LICA	229	202	+ 27 ili 13,4 %
- vozači	102	77	+ 25 ili 32,5 %
- putnici	75	66	+ 9 ili 13,6 %
- pješaci	52	59	- 7 ili 11,9 %

Tabelarni pregled nastradalih lica u saobraćajnim nezgodama po kategoriji učesnika
januar-mart 2018./2017. godina

	POGINULI			TESKO POVRIJEĐENI			LAKSE POVRIJEĐENI		
	2018.	2017.	+ ,-, %	2018.	2017.	+ ,-, %	2018.	2017.	+ ,-, %
VOZAČI	2	1	+ 1 ili 100 %	6	13	- 7 ili 53,8 %	96	64	+ 32 ili 50 %
PUTNICI	0	1	- 1	9	9	isto	66	57	+ 9 ili 15,8 %
PJEŠACI	2	2	isto	15	17	- 2 ili 11,8 %	37	42	- 5 ili 11,9 %
UKUPNO	4	4	isto	30	39	- 9 ili 23,1 %	199	163	+ 36 ili 22,1 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 53 lica, od 41 do 50 godina – 31 lice, od 51 do 65 godina – 31 lice, od 25 do 30 godina – 30 lica, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih –1.957 (tri lica poginula, 145 lica povrijeđeno), neprilagođena brzina- 317 (jedno lice poginulo, 72 lica povrijeđena), uticaj alkohola – 15 (12 lica povrijeđeno), oštećenje puta – jedna saobraćajna nezgoda (bez nastradalih lica).

AKTIVNOSTI POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 56.398 vozila (7.498 manje).

Zbog tehničke neispravnosti, iz saobraćaja je isključeno 81 vozilo (45 manje), 719 vozača je zatečeno da upravljaju vozilom pod dejstvom alkohola (95 više), 792 bez korištenja sigurnosnog

pojasa (892 manje), 203 bez položenog vozačkog ispita (21 više), 158 pod izrečenom zaštitnom mjerom (150 više), 985 zbog korištenja mobitela tokom vožnje (122 više), a 563 vozača su učestvovala u saobraćaju bez važeće registracije (266 više).

Zbog kršenja propisa iz oblasti sigurnosti saobraćaja uručeno je 41.610 prekršajnih naloga vozačima (3.502 manje), podneseno 112 zahtjeva za pokretanje prekršajnog postupka (41 manje) i registrovano 29 krivičnih djela zbog ugrožavanja sigurnosti javnog prometa (tri manje).

MIRUJUĆI SAOBRAĆAJ I KONTROLA PJEŠAKA

Tokom prvog tromjesečja 2018. godine, pripadnici Uprave policije su uručili 19.532 prekršajna naloga vozačima koji nisu poštivali saobraćajne propise prilikom parkiranja (1.220 manje u odnosu na isti period prošle godine), upozorili 1.499 vozača (60 više), a specijalnim vozilom „pauk“ su premjestili 1.094 vozilo (529 više). Zahtjeva za pokretanje prekršajnog postupka nije bilo.

Takođe, pješacima koji su kršili propise uručeno je 505 prekršajnih naloga (469 manje), a upozoreno je 288 pješaka (241 manje).

ZAKONITOST U RADU

U periodu januar-mart 2018. godine, registrovano je pet napada (jedan manje) na policijske službenike: Četvrta PU – dva, Prva, Peta i Sedma PU – po jedan napad. U napadima je učestvovalo šest punoljetnih lica koja su lišena slobode.

Tokom prvog tromjesečja 2018. godine razmatrano je 69 predstavki na rad službenika policije među kojima je za 26 predstavki (dvije manje) data saglasnost da se provede unutrašnja istraga. Za 18 predstavki je donesena odluka da se izvrše provjere i prikupi dokumentacija, 13 da nema osnova za provođenje unutrašnjih istraga, pet da se pripoje ranijem spisu, četiri o nenadležnosti, dok je za tri predstavke donesena odluka da se upute u nadležnost.

Postupano je po 35 predstavki iz ranijeg perioda, tako da je vođena ukupno 61 unutrašnja istraga (18 više).

Okončano je 35 unutrašnjih istraga među kojima za 15 nije bilo dovoljno dokaza, osam je neosnovanih, pet je osnovanih, u tri slučaja istraga je obustavljena, u tri slučaja stranka je odustala od žalbe, dok je u jednom slučaju istraga okončana ocjenom oslobađajuća.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE (Sl.novine Kantona Sarajevo br.38/07)

U periodu januar – mart 2018. godine evidentirano je 12 krivičnih djela koja su regulisana Zakonom o nabavljanju, držanju i nošenju oružja i municije (četiri manje), počinjenih od strane 12 lica, od kojih su tri lišena slobode.

Od strane Policijskih uprava fizičkim licima izdato je 259 odobrenja za nabavku vatrenog oružja (tri manje) i 228 oružnih listova (117 manje).

Takođe, u sklopu aktivnosti na oduzimanju nelegalno posjedovanog oružja i drugih predmeta oduzeto je: 27 pištolja, devet pušaka, 32 „noža, mača, sablji i sl.“, dva boksera, 491 kom. municije različitog kalibra, itd.

6. RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog perioda preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana, nevladinim organizacijama, itd.

Sarajevo, 17.04.2018. godine
Odjeljenje za odnose s javnošću